

平山縣志

卷一

輿地

地
130115
37
下

平山縣志序



誌者志也志其事以出治道者也周官小史掌邦國之志外史掌四方之志自宋以後郡縣始有成書我

平山縣志

序

一

朝風同道一文教昌明凡通都大郡以至偏隅僻壤有一邑之政則必有一邑之志風土人物瞭如指掌欹歎盛已然閱時既久率多漫漶殘缺以致因革失

宜文獻無徵謂非守土者之責
歟癸丑冬予攝篆恆陽所屬州
縣以志書呈送亦仿古輶軒采
風問俗之遺意也時內鄉王君
子潔以名孝廉宰平山出其新

平山縣志

序

纂邑乘屬序於予簿書之暇篝
燈讀之見其考据精詳繁簡得
宜凡夫疆域之廣袤山川之險
易制度之沿革風教之淳漓以
及籍賦戎祀人文之興替無不

至至今百八十餘年之廢典補
缺訂謬彙爲全書可以信今可
與傳後矣故平山寶番吾舊封
軫晉陽邊界五代時爲太原戎

平山縣志

序

一

馬之衝迺用武必爭之地也民
多豪俠習兵崇義頃值賊氛未
靖郡守者守土者相率以團
練備邊爲國務而王君顧然脂
膏必竭而遠鄉得毋急其所

而緩其所急乎是大不然文事
武備原非兩途况志乘所載前
事之師果能斟酌古因地制
宜究理亂之原謹苞桑之戒倦
倦焉思所以登戶口實財賦振

兵防作士氣使民心日醇邦本
日固則志之有裨於政治匪淺
鮮也昔朱晦翁厯任江浙閩海
亦非晏安無事之時而所在以
修志爲亟豈徒資博洽托空言

已哉媿美前賢予且於王君有
厚望也故不辭譏陋而爲之序
咸豐四年春二月

賜進士出身中憲大夫署正定
府事前掌京畿道監察御

史棗陽史策先譔



平山縣志序

或有問於余曰今寇氛未靖時事孔棘子何亟亟焉纂修邑乘從事於文墨之事乎余曰孔子曰有文事者必有武備有武事者必有文備余自莅任以來編查保甲補修城垣團練鄉

平山縣志

勇分防隘口凡以爲寇氛未靖故也豈其置武備於不講專從事於文墨乎且官以知縣名謂其能知一縣之事也一縣雖小有目前之事有已往之事目前之因革必無已往之利弊不微諸志何能而續之乎平山舊志修

於康熙壬子至今百八十餘年記載
闕如非從事於續修安能一一核其
源流詳其興廢以爲張弛之準乎昔
蕭何入秦先收圖籍掌故所關顧不
重哉曰信若是前此無人議及何也
余曰在前者率以時近而有所待在

後者又以年久而畏其難遲之又久
遂以因循而視爲不急之務何獨平
山余才疎學淺自揆於平山未能有
所裨益但旣守茲土卽當知此一縣
之事志又烏容不修爰是於下車之
始卽令邑紳廣爲採訪取舊志所不

備者悉爲補之舛譌者舉爲正之繁
苐者略爲芟之事取其信而有徵疑
者闕焉不敢以恍惚之詞強爲附會
不敢以粉飾之語濫事鋪張質之於
人未敢必其見許返之於已庶幾可
以少安自夏而秋而冬凡六閱月而

其事告葳竊以志之屬於一邑微焉
者耳然而地勢之險夷土田之肥瘠
風俗之美惡政教之得失世道之升
降人才之盛衰治理之難易民性之
好惡剛柔物產之貴賤羸絀前此官
吏之貪廉仁暴皆於志乎滙其全雖

名曰志究之紀傳志表無體不備非
素擅三長豈易言修余之爲此不過
網羅舊聞推廣前志以備一方之故
實夫然後以古証今凡有所措施之
端務期克承乎前哲不背於輿情詳
悉以考其成變通以盡其利兢兢戒

慎蘄無負於匡居之初心少酬

國恩於萬一此區區修志之本意也
若謂鋪張揚厲誇多鬪靡用附於著
作之林以自矜博麗非惟余之所遜
謝而不能亦余所鞅掌而不暇及也
豈真急其所不急好爲多事云乎哉

問者唯唯而退余遂約其語以弁於簡端

皆

咸豐三年歲次癸丑小陽月朔日

勅授文林郎直隸正定府平山縣知

縣加三級紀錄七次

平山縣志

序

五

心子潔謹序



平山縣志

出夜圖


平山縣志

東北至靈壽縣界十里

東至正定縣界四十里

東南至獲鹿縣界

縣境圖



北至靈壽縣界三十里

靈壽縣界

青灰莊

南店莊

南店鎮

史家莊

白雁莊

李耳莊

七級莊

三級莊

田營莊

田營鎮

靈壽縣界

水碾河

石礦

源治河

正定縣界

東界村

獲鹿縣界

田莊

白砂莊

白砂鎮

煙堡莊

王手莊

南店鎮

南店鎮

田營鎮

水碾河


石礦

獲鹿縣界


界縣

東南至獲鹿縣界

東南至獲鹿縣界




平山縣志



平山縣志

三



北大街

西大街

南大街

關帝廟

馬王廟

崇壽

八蜡廟

儒學

舊序

國家定鼎三十年矣兵革不作海宇晏然 聖天子加意文教
勅直省郡邑各纂修乘牒以昭一統之盛余幸守恆山舉夫上宣
德意下風吏民者郡守事也敢不勉勉從事故自郡志外凡三十
一屬皆編緝無敢後平山湯令志成請序於余披閱之下見其參
酌精詳質不傷俚華不失實彬彬然有良史材焉是固足以上佐
文運之休明者因作而嘆曰平雖彈丸下邑乃番吾舊地實古來
用武之域也曩歲寇孽肆虐里舍邱墟典籍委於荆榛詩書蕩爲
灰燼民生其間日苦鋒鏑又何暇記載之是從耶今絃誦聲聞枹

平山縣志

舊序

鼓絕響秀者樂於膠庠而朴者優游畝畝夫孰非 上之德教誕
敷涵濡休息以致此哉則吾人於退食之餘旁搜博採條分縷晰
得肆力於篇章而潤色昇平者皆不可以忘所自也雖然吾因之
有所感矣夫 朝廷勅郡邑纂修豈第記其風土覽其人物惟陳
言之是務哉蓋欲藉以風示羣吏激揚衆庶登世運於休嘉同人
心於淳厚也倘牧斯土者不能卽古自鏡以求爲循吏生斯土者
不能察往箴來以求有可表之節義與可傳之文章臣爲忠臣而
子爲孝子則大負 聖天子振揚文教之意而亦對昔賢以自
慙繙曩牒而增愧矣今湯令編緝之暇殷殷圖治是能以良史之

材懋循吏之績者君子愛人小人易使之風吾將於平邑望之矣
故於其志之成也用以自箴而併以告三十一屬之士若民以及
於司牧者康熙十有二年歲在癸丑孟秋月中憲大夫知正定府
事武昌張臯謨序

舊序

古帝王建萬國子元元分土而治畫疆而理侯甸男衛皆得以風
俗之貞淫政事之得失山川之險要人物之臧否貢之天子而且
太史輶軒以陳之職方版圖以區之星分列宿地判方隅雖因革
損益代有廢興參三才而一之郡爲一史邑爲一乘星羅碁置一

平山縣志

舊序

二

道同風邑志之由來尙矣正定爲畿南三輔郡平山隸其西軫晉
陽邊界高山大川崔嵬綿亘考五代史平山爲太原兵戈之衝迺
昔年用武必爭地詎得以蕞爾而忽請明季以來萑苻嘯聚我

國家定鼎十有餘年始次第就撫兵戈蹂躪西山百餘里村舍邱
墟煙火漸滅詩書典籍盡歸咸陽一炬加以康熙戊申洪水爲虐
邑當五臺巨津爲百川嚮導之所濇冶二水環抱入城城不沒者
五版公私廨舍城郭樓臺傾圮殆盡卽 本朝文卷皆溼濕之餘
余自己酉冬來守茲土四郊一望衰草寒煙破瓦頽椽中宵啼泣
者半爲災災老弱數輩念吾民幸生堯舜之時近接鼙鼓之下而

不克躬被 帝澤若此因以疾苦之情白之上臺願金大中丞
前飢溺之思久徹葑屋荷蒙繕疏入告邀 俞旨親踏得實

聖天子特恩豁免計逃亡之民一時歡聲雷動相率來歸林林總
總煙火晏然士服詩書農安耕鑿平民始克有其家室也近奉憲
諭將地方山川形勢編輯成書平山三十年來兵火水旱播遷之
餘舊典遺文殘缺失次余惴惴滋懼不敢以小邑荒略致取全書
乃詢之耆獻叅之博雅搜之荒荆蔓草之中稽之野老方言之口
爰與邑學博紳士次第甲乙彙集成帙約略其詞倉皇以副上請
至徵文察義字窺全豹姑以俟後之君子云爾康熙十有一年秋

平山縣志

舊序

三

八月 賜進士知平山縣事江左湯聘謹序